

**Famia Planea**

## Ta desea e pueblo di Aruba e temporada di Semana Santa Bendishona y Sigur!!!

**Servicionan:**

✓Oficina na San Nicolaas Tel: 584-9591

Dialuna pa Diabierna di 8'or pa 4'or

✓Oficina na Oranjestad Tel: 734-8833

Dialuna - Diaranzon - Diabierna 9'or pa 4'or

✓Wit Gele Kruis Paradera

Diamars di 8:30 pa 11:30

✓Consulta di dokter Tel: 584-9591

Diaranzon di 2:30 pa 3:30

**Un momento inespera por cambia bo bida, sea bon informa. Ta bo curpa, protehe!!!**

# Trio Huasteca vigente y activo den esfera musical

**ORANJESTAD** – Nan no ta un agrupacion musical nobo, ni tampoco ta interpreta e generonan musical mas actual y pega, pero nan tey keto bai pa varios decada caba. Trio Huasteca, consistiendo di Etty Toppenberg, Max Hassel y Erik Escalona sa entretene amantenan di e musica di antaño na diferente evento cultural. Nan a yega di presenta den un Festival Bon-Bini mescos cu pa Su Mahestad Reina Beatrix.

Ultimamente por a scucha e trio aki su nomber diferente caminda anunciando nan participacion na entre otro conciertonan grandi. Esaki ta demostra cu e talento y repertorio di Trio Huasteca ta keda vigente entre un grupo grandi aki na Aruba. Tur amante di bon clasico, un dushi bolero of un tema tradicional ta disfruta enormemente di nan presentacionnan.

Biblioteca Nacional Aruba, hunto cu Stichting Winternachten, a trece pa di tres biaha na Aruba, e



festival literario ‘Crusa Lama’. Crusa Lama ta un festival internacional, den cual autornan y poetanan di Indonesia, SurAfrica, Surnam, Hulanda, Antiya Hulandes y Aruba ta duna bunita presentacion. Trio Huasteca a habri y sera Festival Literario ‘Crusa Lama’ y a logra di tene e ambiente aden for di un principio te na final. No ta hopi biaha mas cu nos ta mira e 3 cabayeronan aki hunto. Nan a trece un repertorio di canticanan crioyo, bon conoci

pa tur hende. Asina publico por a canta hunto cu nan.

Tambe a keda anuncia e siman aki cu Trio Huasteca lo ta un di e actuacionnan cu lo habri caminda na e concierto di Dario Gomez cu lo tuma lugar proximamente riba nos isla. E tres musico lo sa di pone e ambiente romantico entre e publico cu nan baladanan gusta pa un y tur. Den tempo bon y malo, cu yegada di rock, reggae y reggaeton, Trio Huasteca ta keda masha gusta mes pa mas di un generacion.